



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 06 » 11 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000108

Ձեռնարկողը՝

«Սպիրակ Տնակ» ՍՊԸ
ք. Երևան, Մամիկոնյանց 56

Գործունեությունը՝

Նոր-Նորք վարչական շրջանի Դավիթ Բեկ փողոցի հ.155/3
հասցեում նախատեսվող բազմաբնակարան բնակելի համալիրի
կառուցման աշխատանքների շրջակա միջավայրի վրա
ազդեցության նախնական գնահատման հայտ
ք. Երևան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ **000108**

< 06 > 11 2020թ.

Երևան քաղաքի Նոր-Նորք վարչական շրջանի Դ. Բեկ փողոցի հ.155/3 հասցեում նախատեսվող բազմաբնակարան բնակելի համալիրի կառուցման աշխատանքների շրջակա միջավայրի վրա ազդեցության նախնական գնահատման հայտ

Ներածական մաս.

Ձեռնարկող՝

«Սպիտակ Տնակ» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

ք. Երևան Նոր-Նորք վարչական շրջան

Բազմաբնակարան բնակելի համալիրի կառուցապատման համար նախատեսված տարածքը գտնվում է Նոր-Նորք վարչական շրջանի Դ. Բեկ փող. հ.155/3 հասցեում: Հողատարածքը գտնվում է բնակելի և հասարակական շենքերի հարևանությամբ: Տեղանքը հարթ է: Երկրաբանական տեսակետից տարածքը բարենպաստ է կառուցապատման համար: Հողամասի ընդհանուր մակերեսը կազմում է 1.25հա: Տարածքը կառուցապատված չէ, հարևանությամբ բնակելի շենքեր չկան:

Համաձայն սեփականության (օգտագործման) իրավունքի գրանցման N29052017-01-0055 վկայականի հետևյալն են՝

- հողատարածքի նպատակային նշանակությունը՝ բնակավայրերի,
- գործառնական նշանակությունը կամ հողատեսքը՝ խառը կառուցապատման,
- գրանցված իրավունքի տեսակը՝ սեփականություն:

Նախատեսվող գործունեության համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 7-րդ կետի ա. ենթակետի այն հանդիսանում է Գ կատեգորիայի գործունեության տեսակ:

Նկարագրական մաս. Նոր-Նորք վարչական շրջանի Դ. Բեկ փող. հ.155/3 հասցեում նախատեսվող բազմաբնակարան բնակելի համալիրի նախագիծը մշակված է անշարժ գույքի սեփականության (օգտագործման) իրավունքի գրանցման N 29052017-01-0055 վկայականի և ճարտարապետահատակագծային առաջադրանքի N01/18-07/2-117616-1338 ադ. 26.12.2019թ. համաձայն:



Համալիրը նախատեսված է 11 բնակելի բարձրահարկ շենքերից: Համաձայն գլխավոր հատակագծի համարակալման նախատեսված են Ա1, Ա2, Ա3, Ա4, Ա5, Ա6, Ա7, Բ8, Ա9, Ա10 և Ա11 շենքեր: Ա1, Ա2, Ա3 և Ա4 համարակալումով շենքերն ունեն ինն վերգետնյա և երկու ստորգետնյա հարկեր: Առաջին վերգետնյա հարկը նախատեսված է որպես հասարակական նշանակության տարածքներ, իսկ մյուս ութ վերգետնյա հարկերը՝ որպես բնակելի: Վերոնշյալ շենքերն ունեն երկու ստորգետնյա հարկեր, որոնք նախատեսված են որպես ավտոկայանատեղիներ: Ա1 և Ա2 շենքերի առաջին ստորգետնյա հարկերը կապված են լինելու ստորգետնյա անցումով Ա3 և Ա4 շենքերի երկրորդ ստորգետնյա հարկերի հետ: Բնակելի հարկերում նախատեսված են թվով չորս բնակարան:

Ա5 և Ա6 համարակալումով շենքերը նախատեսված են ինը վերգետնյա բնակելի հարկերով: Ա5 շենքն ունենալու է մեկ կիսանկուղային և մեկ ստորգետնյա հարկ, իսկ Ա6 շենքը՝ մեկ, որոնք ծառայելու են որպես ավտոկայանատեղիներ: Բնակելի հարկերում նախատեսված են թվով հինգ բնակարաններ: Ա7 և Ա9 շենքերը գտնվելու են Բ8 շենքի աջ և ձախ կողմերում և ունենալու են ինն վերգետնյա բնակելի և մեկ ստորգետնյա հարկեր:

Ստորգետնյա հարկը նախատեսված է որպես ավտոկայանատեղիներ և ունի բացվածքներ, որոնք ապահովելու են օդափոխությունը: Ա7 և Ա9 շենքերի բնակելի հարկերում նախատեսված են հինգական բնակարաններ, իսկ Բ8 շենքը՝ վեցական բնակարան: Ա10 և Ա11 շենքերը ունենալու են վերգետնյա ինն բնակելի հարկեր՝ յուրաքանչյուր հարկում չորսական բնակարանով: Ա10 շենքն ունենալու է մեկ ստորգետնյա ավտոկայանատեղի, իսկ Ա11 շենքը՝ երկու ստորգետնյա հարկ:

Շենքերի արտաքին պատերը իրականացվելու են 200մմ հաստությամբ պեմզաբլոկից, 80մմ հաստությամբ ջերմամեկուսիցիչ, հարդարված դեկորատիվ սվաղով և երեսպատման քարե սալիկներով: Կառուցապատումից ազատ տարածքները նախատեսվում է բարեկարգել և կանաչապատել՝

- հողամասի մակերեսը՝ 12500մ²,
- կանաչապատման մակերեսը՝ 4365մ²,
- կառուցապատման մակերեսը՝ 3994մ²,
- բարեկարգման մակերեսը՝ 4141մ²:

Շինհրապարակում բետոնի շաղախի պատրաստման հանգույց չի նախատեսվում: Բետոնի շաղախը մատակարարվելու է մասնագիտացված ընկերության կողմից: Շինարարական աշխատանքների ընթացում օգտագործվող շինանյութերի պահպանումը կիրականացվի շինհրապարակում՝ ծածկի տակ: Բնառեսուրսներից օգտագործվելու է ջուր՝ տարածքների ջրցանի, հողի/գրունտի խոնավացման համար և աշխատողների խմելու կենցաղային նպատակների համար:

Բազմաբնակարան բնակելի համալիրի շահագործման ընթացքում կառաջանա կենցաղային և շինարարական աղբ, որը պայմանագրային հիմունքներով կտեղափոխվի համապատասխան ընկերության կողմից:

Ջրամատակարարումը կիրականացվի գոյություն ունեցող ջրատարից և համապատասխան տեխնիկական պայման ստանալուց հետո կմիացվի համայնքային ջրամատակարարման ցանցին: Կոյուղին կմիացվի համայնքային կոյուղատարին:

Ջրամատակարարման ներքին ցանցը նախատեսվում է իրականացնել պոլիպրոպիլենային (PPR տիպի) խողովակներով:

Շինության ամեն հարկի միջանցքներում նախատեսվում է տեղադրել ջրափակային հանգույցներ՝ առանձին բնակարանների համար: Բնակարանների սեռումն պետք է օգտագործել պոլիպրոպիլենե խողովակներ՝ նախատեսված համապատասխան միջոցով և տաք ջրամատակարարման համար:



կկանխարգելի փոշու տարածումը,

- կանաչապատ տարածքների ավտոցիստեռներով ոռոգումը,
- աղմկահարույց աշխատանքների իրականացումը հնարավորինս օրվա ցերեկային ժամերին,
- տեխնիկական միջոցների և ավտոտրանսպորտի շարժիչների պարբերար ստուգում և կարգավորում՝ բացառելով անսարք վիճակում գտնվող մեքենաների օգտագործումը,
- թափոնների հավաքման վայրերի և հեռացման ուղիների նախապես որոշված լինելը՝ շինարարության արդյունքում գոյացող թափոնների բոլոր հիմնական տեսակների համար,
- շինարարական աղբի պատշաճ կերպով հավաքում և հեռացում՝ արտոնագիր ունեցող աղբահավաքների կողմից:

Բազմաբնակարան բնակելի համալիրի շինարարական աշխատանքների իրականացման ընթացքում նախատեսվում է շրջակա միջավայրի վրա բացասական ազդեցության կանխարգելմանը կամ մեղմացմանն ուղղված հետևյալ մշտադիտարկումները,

- մթնոլորտային օդ կատարվող աղտոտող նյութերի (փոշի, արտանետումների որակական և քանակական պարամետրերի պարբերական չափումներ՝ երեք ամիսը մեկ հաճախականությամբ,
- փոշենստեցման նպատակով նախատեսվում է իրականացնել տարածքի ջրցանում տարվա շոգ և չոր եղանակներին՝ օրեկան 2-3 անգամ,
- տեխնիկական միջոցներից առաջացող օգտագործված յուղերով ու քսայուղերով հողերի աղտոտվածության մշտադիտարկումներ՝ երեք ամիսը մեկ հաճախականությամբ,
- աղմուկի և թրթռումների մշտադիտարկումներ՝ երեք ամիսը մեկ հաճախականությամբ:

Պատճառաբանական մաս. Երևան քաղաքի Նոր-Նորք վարչական շրջանում, օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի, պաշտպանության նախարարությունները, քաղաքաշինության կոմիտեն և Երևան քաղաքի Նոր-Նորք վարչական շրջանը:

Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Կառուցապատման աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական պահանջների և միջոցառումների իրականացմանը՝ ըստ հայտով ներկայացված պլանի, իսկ դրանց չբավարարման դեպքում ներառել լրացուցիչ միջոցառումներ պարտադիր պահպանելով բնապահպանական նորմերը:

- Կառուցապատման հետագա գործառնություններն իրականացնելու օրենսդրության և նորմատիվատեխնիկական փաստաթղթերի համաձայն, նախատեսվում է



քաղաքաշինության նախարարի 2014 թվականի հոկտեմբերի 14-ի N263-Ն հրամանով հաստատված՝ «Քաղաքաշինություն. քաղաքային և գյուղական բնակավայրերի հատակագծում և կառուցապատում» ՀՀՇՆ30-01-2014 շինարարական նորմերի համաձայն՝ պահպանելով շինհրապարակի աշխատանքային անվտանգության կանոնները, բանվորների արտահագուստի և հիգիենայի պահանջները:

- Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ Նոր-Նորքի թաղապետարանի հետ համաձայնեցված:

- Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից կից տարածքներում բետոնի արտադրությունը:

- Անհրաժեշտ է ապահովել հայտում ամրագրված կանաչապատման աշխատանքների իրականացումը, պահպանումը և հետագա խնամքը:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N 438 որոշմամբ հաստատված կարգի 43-րդ կետի համաձայն՝ աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմնին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«Սպիտակ Տնակ» ՍՊ ընկերության կողմից ներկայացված Երևան քաղաքի Նոր-Նորք վարչական շրջանի Դավիթ Բեկ փողոցի հ. 155/3 հասցեում նախատեսվող բազմաբնակարան բնակելի համալիրի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Տնօրենի տեղակալ

Գ. Գևորգյան

Մասնագետ՝

Հ. Մեսրոպյան

